




God's Word Life for All

THE BIBLE SOCIETY OF UGANDA

BIBLE WEEK 2012

“Kusiir Yēyiintēēt cēēsoṗcē
ankuceṗasyat.”
(Kiiyookik 17:2)



KUPSAPIINY



The Bible Society of Uganda

Bible Week 2012

Mētīt: Kusiir Yēyiintēēt cēēsopcē ankucepasyat. Kiiyookik 17:2

Toowunēēt

Wiikiit nyēpo Pāypuriit ku wiikiit ām kēnyiit ake tōkōl nyēē kiitapaan :lukēetaap Bible Society nyēpo Uganda kwiiiciintōōs ākoo kanisaanik waanak ākoo lukōōsyēk coo sālu keey. Yiyaateet nyiitēnyi ku walyiitaap kiirwookēēt ām kēnyiit akeenke. Makwiiyakay kucakee sopiiti yēpo pēsyeetaap āyēeny ākoy pēsyeetaap sokool ām araaweetaap Tēērit mwaaakeetaap kisyēērōōk āyēeny āk taman āk āyēeny. (From Sunday December 2nd to Sunday December 9th 2012).

Ām wiikiit nyiitēnyi, /ciititiirē kanisaanik ākoo lukōōsyēk āk cii ciicaak kwiiy ŋaleecu:

1. /Caam saakweet nyēpo ŋālyoontēetaap Yēyiintēēt nyēē kicēēsil ām kēēlyo nyēē pciyaat.
2. /Cēēsooci yiisyēetaap lukēetaap Bible Society kumukuul.
3. /Cēēmwooci tilyōōnuutēkaap Bible Society nyēpo Uganda kuulēēliit tilyaanateet.
4. /Ciititiir piiko alak cēē leelac kuuwut lukēēt nyiitēnyi.
5. /Ciiruruuc kākētūutōk cēē kātiy yiisyēetaap Bible Society nyēpo Uganda.
6. /Ciyyokootyo kākētūutōk coo /kāciiruruuc kupa wulēē mii :Bible Society ām areet nyēē tāpoon koromin.
7. /Ceeyaamtaa kāsutyēēt āk ŋaleek cēē tikiyini lukēetaap Bible Society.
8. /Cēēriip Sapaato nyēpo Pāypuriit yēē pēsyeetaap sisiit ām araaweetaap Tēērit ākoo sopiitaaap Pāypuriit yēē pēsyeetaap sokool ām araaweetaap Tēērit kēnyiitēnyi.
9. /Ciititiir sumaaneetaap Pāypuriit /anciiy yuu wulēē mwootyooy :siluutōkaap Yēyiintēēt ām komoswookik tōkōl cēpō sāpoonto.
10. Yēē keemuakakay, /ceepciya siluutōk ām kanisaanik koopolis wuloo /makwaamee saakweet nyēpo wiikiitaap Pāypuriit.

Kococini :wiikiit nyēpo Pāypuriit pārooyinto kanisaanik ākoo cii ciicak kuutitiir ankuuner sumaneetaap Pāypuriit kwēek kiy nyēpo laatik ām wulēē mii :piikaap Kriistō. Misyini :cii ake tōkōl kuuwutē keey.

Mētīt nyēpo wiikiitaap Pāypuriit 2012 ku nyi: **Kusiir Yēyiintēēt cēēsopcē ankucepasyat. Kiiyookik 17:28.**

Misyini :piikaap Kriistō kuutitiir keey ām wulēē mii Mokoryoontēenyoo āk Kāārārookiintēenyoo, Yēesu Kriistō.

Māmācāktōōs cēēriiryē kuyuu piikaap kōōrēēt kuyuu nyēē -mācēēpoontē kākēnēēt.

Yēmāktōōs piikaap Kriistō kulāk wēēci kōōrooni ankukwat mēēnānēēt.

Misyini :piikaap Kriistō tōkōl kuŋalaal kiy akeenke ām kāāyēnēēŋwaa ānkupooriyē miyootyēēt ake tōkōl ām komoswookik tōkōl cēpo sāpoonto.

Kiimuut piiko :wuuyinwēk cēē caaŋ kōt nyēē yēmāktōōs kunyōōr cii ciicak kākēnēēt nyēpo Yēyiintēēt sukuuraraacakay.

Cēēsooyē ānciikēnē kule kukaalyec :wiikiitaap Pāypuriit 2012 kuuneet keey kusiir ŋālyoontēetaap Yēyiintēēt wulēē ciipuurtooy. Ciinaam anciiyway Mokoryoontēēt Yēesu Kristo ākookāy nkal kumiitē :wuuyinwēk.



Mëtit: Kusiir Yëyiintëet cësopecë ankuceepasyat

PËSYËËTAAP TAATYA (1):

Paapa Yëyiintëet nyoo kitoow anku makuuwaany kiy ake tōkōl

Mwoowuu :Yëyiintëet kule, “Åruruuc keey ankaakwa nōō, picu kyāāñetunēē kōōrōōsyēk alak. Mēēnkēt kiy :picaa kālāpootii ānyātōōs ānkukutunkyinootii ānyātōōs cēē mēēsoopē piic. Åtētu ñaleekwook /ceekas ām kōōk ankaateepē keey. Ñoo :nyēē kisimkumwoow kēny kiy nyēē makwiiyakay? Mā anii Yëyiintëet? Māmii :Yëyiintëet ake yēē mā anii, Yëyiintëet nyoo curtaat ānkāāraroocook. Lēyyē, piikaap kōōrēēt kumukuul! Åkētu keey wulēē āmiitē :anii ānkāasopcē. Åmnyēē, anii :Yëyiintëet, ānku māmii :ake. (Isaaya 45:20-22)

Mwoowuu :Mokoryoontëet Yëyiintëet nyoo kimii, ānkumii ānku mākucō ānkupāwu kiy ake tōkōl kule, “Anii ku Alfa āk Omeeka, nyēē ātoowu ānkāāwoonṭooy.” (Ñoonjuutyēt 1:8)

Māwēēcwēēcē keey :Yēēsu Kriistō. Nee :nyooto kipo kēny, nyiitēny po yaawuut ānku nyoo wēētii ākookāy. (Puraniyeek 13:8)

Ñoo :nyēē kikwiiy sukwiityiin :ñaleecu? Ñoo :nyēē yyoonkyini ñaleekaap kōōrēēt? Anii ku Yëyiintëet nyēē kyāāmiitē kucakee kēny ānkāāmiitē ākookāy. (Isaaya 41:4)

Ñoo :nyēē karkeey āk anii? Kany cōkuupoor keey ām taanyuu. Ñoo :nyēē kisimkumwoow kēny kiy nyēē masakwiiyakay? Kany paa kunoor kiy nyēē makwiiyakay pēētuyyēk coo kwoonii. Lēyyē, määpōotoontyē :akweek, āmāamuyē! Ara munāāmwoowook :anii kucakee kēny kiy nyēē makwiiyakay? Åyiku mucuurwaanikyuu! Ara mii :Yëyiintëet ake yēē mā anii? Māmii :ake nyēē riipook, āmāānkēt :anii riipiintēñwoon ake.” (Isaiah 44:7-8)

Saay:

Yëyiintëet ānku Paapaanyoo nyēē miitē kipkōōnkō, yiku wōō ām swaameet, soopii ānkēāraroocii. Cēēcāntooy lēēliswēēkyoo pēsyoōni, kunyi, cēēwēēcē keey wulēē miitē seekaalyeec. Nyi :nyoo kimiitē kucakee toowunēēt, miitē mpo yaawuut ānku māsēēmiitē ākoy lētuut. Kōōnēēc aceek kāāpēliisyēēt ām ñaleek tōkōl coo kiirateec kuyuu cii ciicak, kēstoōnik, pōrōryōōsyēk ākoo kanisaanik. Kaceesaay ām kaanyeetaap Yēēsu. Kwiiyakay kuyuu nyooto

PËSYËËTAAP ÅYËËNY (2):

Akany ciy kuyuu wuloo māktooy :Yëyiintëet

Kimwoowēēc :Yëyiintëet ām siluutōkyii coo mākē :nee kule ciy ām sāpoontaap kōōrooni. Neeto ku nyēē pāwu tukuuk tōkōl.

“Māamwoowu :akweek ām moontiwōkwook kule, ‘Kācēnyōōrunēē mokoryoontiini swaameenyoo āk kāamuukēywēēkyoo nkit.’ Asoot :akweek Mokoryoontëet Yëyiintēñwoon, āmnyēē nee :nyēē kōōnook kāamuukēywēēk cēē ānyōōrunēē mokoryoontiit. Yiyē kuyuu nyooto sukwiityiin ākoy kura :kiirootyanaa kikwiiyē :nee āk mpo kuukoñwoon.”

(Ntarastiinak 8:17-18)

“Namee mēt ntarastiinakyuu. Sōōtēē mooyēñuun pēēt āk kōōmooy sēēriip ankeeyiy kiy ake tōkōl nyēē /kicēēsilyi āriit. Yoo kēēriip kuyuu nyooto, +mēēpēliisyē ānkēēnyōōru mokoryoontiit ām kēelwookikuuk tōkōl. Munāāmwoowuun kule kimkimiitu ānkēēyiku nyikan? Mēēnyōkōriitu nto



mēēntē kwiil mooyēēt amnyēē +mācēēpoontē keey :anii Yēyiintēēnuuñ am wulyo ake tōkōl wulēē māseēmiitoowunēē.” (Yooswa 1:8-9)

Ŋareec keey nōō, kāāriimāniintooni yēē tēēpoontē pārooyin. Yoosyi keey kutoortiiñ :moo ākoo koonyay, nteenee, nkēt kule masakuwasantyyiñ :Yēyiintēēt kupo tōkōl coo kiiyyi.
(*Āmtooyiintēēt 11:9*)

Kyaasyeem am mooyēēnyuu tōkōl anayiiñ, kunyoo, riipoo simāāwurtoowuñ.
(*Tuumwoonik 119:10*)

Wāamwooci piiko kule mwoowuu :Yēyiintēēt kule, ‘Ayep yiit paa! Āmācē :akweek akway areetaap sāpoo nto nyēpo meet?’ (*Yeerimiiya 21:8*)

Akweek ku lēkwēyyēetaap kōōrēēt. Māwunyāktōōs :mōōñēēt nyoo /kicēētēēkyi tulwo, ānku māmii :cii nyēē pēlēē taariit ānkuukupuuyēē kērēpēēt, nteenee koocini yēē tōrōōroot sukulēkwēci piiko tōkōl am kō. (*Mataayo 5:14-15*)

Mwoowuu :Yēēsu kule, “Akas paa, āmiitē ācōōnii lakwar! +Māākooci cii ake tōkōl kuruptooy keey āk tukuuk cēē kiikwiyyi.” (*Ŋoonuutyēēt 22:12*)

Saay:

Paapa nyēē miitē kipkōōnkō, ciirēēkunēē keey āñcēēsoomiñ am kaannyeetaap Yēēsu kule kaalyeec ciyy wuloo māktōoy :nyii kusiir siluutēkuuk yēē tācēēmiitē kōōrēēt. Yiyeec ciiku nyikoon yēē kācēēpunte wuuyinwēk, sumācēēcāmciiñ ākoo kōōrēēt sácēēnyōōru sāpoo nto nyēpo ākookāy. Kaceesaay am kaannyeetaap Yēēsu. Kwiiyakay kuyuu nyooto.

PĒSYĒETAAP SŌMŌK (3):

Mācē kuunkēēt :piiko pārooyinto nyēē koocini :Yēyiintēēt

Yooto kātoopēn :Yēēsu Yēērusālēēm, kumēēsyo kupo piikaap mōōñēēnooto. Kimwoow kule, “Nto kāānkēt :akweek kiy nyēē mācāktōōs kule ayiy sāānyōōru toloosyēēt. Nteenee āmiitē :akweek mēēnēn.

/Māciiyoomiis mōōñooni āk piikyii tōkōl nyēē māñētū mpo :rwaā nyēē keekameer keey ake, amnyēē kyaatay pārooyinto nyēē kikiikōōnook :Yēyiintēēt.” (*Ruuka 19:41-42 & 44*)

Nto mii yooto kumwoowoo :Yēyiintēēt kule, “Kyaayiy :anii kiirootyēt ākoo pēētut āk kōōmoowut sukucōōnii :ake am pārooyinto nyeenyii, amāmii :cii pēsýēēt ake nyēē muucē kuweecweec kiirootyaanaato.” (*Yeerimiiya 33:19-20*)

Mii :pārooyin nyēpo kiy ake tōkōl āk pēsýō nyēē yiyākiisyēē :kiy ake tōkōl am ŋunyiini.
(*Āmtooyiintēēt 3:1*)

Poonto :kiy ake tōkōl pārooyinnyii āk wulēē /ciityooy. Nteenee mācāktōōs :piiko kumutyoocini wuuyinwēk. Kuyuu yoo mēēnkēt :cii kiy nyēē yiyāktōōs tuun, ku ŋoo :nyēē muucē kuupoorci cii kiy nyēē makwiiyakay? (*Āmtooyiintēēt 8:6-7*)

“Kuyuu yēē tākumii :kōōrēēt, mākumii :yēē kōōmooy āk yēē pēēt. Kumii :yēē kēmēy āk yēē peenat, yēē /cēēkōōlsyi āk yēē /cēēkēsisiyi, yēē katyit :kōōro āk :yēē layaat.” (*Toowunēēt 8:22*)

Nto yooto kāpunto :pēsýēēt nyēē kicōp :Yēyiintēēt, kukōōn leekweenyii nyēē kisis :koorko kumii ŋunyiitaap ntarastiitaap Muusa. Kucō cacuutyaaakteec aceek coo kicēēmiitē ŋunyiitaap ntarastiit sukuñeet ciiku lēkōkaap Paapa Yēyiin kupooyiit man. (*Kalaatiyeek 4:4-5*)

**Saay:**

Paapa nyēpo kipkōōnkō, nyii nyēē sātē kēmēy āk peenat, pārooyinwōk ākoo pēsyoōsyēk. Ciirēēkunēē keyy āncēesoomiij kule kaalyeec aceek saciyy tāpoon ām pēētūutēk tōkōl.

Yiici piikuuk areet nyēē sukupasyatee āk nyii yēē mii kupuntēē wuuyinwēk. Kaceesaay tukuucu tōkōl ām kaannyetaap Yēesu. Kwiiyakay kuyuu nyooto.

PĒSYĒĒTAAP AMWAN (4):
Yiku cii nyēē /ciikoosēē keyy

Cii nyēē /ciikoosēē keyy ām tukuuk cēē nēri, kuriipē mpo cēē caaŋ. Nto nyēē /māciikoosēē keyy ām tukuuk cēē nēri, kumāriipē mpo tukuuk cēē caaŋ. Nto yēē māāriipē :akweek mokornoontiitaap kōōrooni, ku ŋoo :nyēē mākucāmwook āriip mokornoontiitaap sāpoontaap Muuyēēt. Nto yēē māāmuucē āriipci piiko alak peesaanikwaa, kupo nee /cēēkōōnook cēēkwook? (**Ruuka 16:10-12**)

Po Yēyiintēēt :kōōrēēt āk tukuuk tōkōl coo miitē āriit anku ceecii :mpo piiko coo minyē kōōroonitēny. Āmnyēē nee :nyēē kisātyini pēēkaap araaratya komos sukutook :kōōrēēt nyēē yaamaat. (**Tuumwoonik 24:1-2**)

Kunyoo, māwokutuucee keyy :cii ciicak ām taatyaap Yēyiintēēt. Maakany ciiruustooy alak nteenee, akany ceekas kule maciyyiy kiy nyēē muucē kuunac tuupcōōsyēk kuusuuci miyootyēēt. (**Roomek 14:12-13**)

Kunyoo, mācāktōōs :piiko kusutēēc kule ciicini Kāārārookiintēēt yiisyēēt ānku /kiciitōōrwēēc ŋaleekaap Yēyiintēēt cēē kiwuŋootiin. Mācāktōōs :piiko coo /kiiciitōōrci ŋaleek, ku pic cēē /iikoosēē keyy. (**1 Kōōrinsooyēēk 4:1-2**)

Nto mii yoo, kumwoow :Yēyiintēēt kule, “Lēyyē, akany nyuun ciyy cii nyēē karkeey aceek. Mākupāw :nee tyooniik tōkōl coo mii pēēko āk coo /cēēpāyē, tōrtōk āk tukuuk tōkōl coo mii kōōrēēt.” (**Toowunēt 1:26**)

Ayway kāāntōōyikwook ānkāātikyi kiy nyēē mwoowuu. Ceek :cēē riipook ānkuunkēt kule +/maceetepee ŋaleek kurupta keyy āk yiisyooni. Yoo kaayway kāāntōōyikwook, makwiiy yiisyoōnuutēkwaa ām ŋarakweek, nto yēē munaayway, kuwuyiityini :yiisyēēt āmēpērē māānyōōru laatik. (**Puraniyeek 13:17**)

Saay:

Paapa Yēyiin nyēpo ākookāy nyēē mii kipkōōnkō, cēērēnyēē keyy āmnyēē mācēēriipē tukuukuuk tāpoon kuyuu wuloo māktooy :nyii. Kiceenyeeree kōōrēēt, anceenyeeree tukuukuuk coo kiyēmē kicēērip tāpoon. Datŋeeteec ākēny ankeeyiyeec ciiku riipiik cēē tāpoonēc ām kaannyetaap Yēesu. Kwiiyakay kuyuu nyooto.

PĒSYĒĒTAAP MUUT (5):
Miitē :nyii ānu?

Tāpoon yēē kamarar keyy :ciitaap Kriistō ānkuukērēsyi wulēē ruptooy ŋaleekaap Yēesu ām sāpoonnyii.

Mācāktōōs kuukērēsyi keyy :ciito kurook nto kwoomē mukatyaanteet nto kuyyēē fiinyōōnik (**1 Kōōrinsooyēēk 11:28**)



Nto mii pësyoonoto kosolëny, kulim :picaa kuruswëetaap Yëyiintëet âm mpareen. Yoto kuwunye key keetiik äriit. Kukuur :Yëyiintëet mörënëet kule, “Miitë :nyii änu?”
(*Toowunëet 3:8-9*)

Âm wulooto, kuuwut :Eriiya kēpēnēet ake ânkuru. Nto mii yoo, kuteepe :Yëyiintëet neeto kule, “Yiyē nee wuli po kēpēnooni nōō, Eriiya?” (*1 Pätuooyik 19:9*)

Kiikuupoor :Yëyiintëet kule cāmē cii ake tōkōl ânkurārōocē ciito nyoo koosē key nee. Nēētēc :camateetaap Yëyiintëet ceetayee key tukuuk coo māmii tiliilyo âk mpo coo po kōōroni, âncēeminy nyē cēēriipē key, nyē curtaat ânu nyē ruptooy key âk wulē mātkooy :Yëyiintëet.
(*Tiitō 2:11-12*)

Âmiitë kurkat âkuursi. Cii nyē kalim kuursyēnyuu ankuyaat kurkeet, +māawut :anii sâpoonnyii âncēeminy :tukwaay. (*Noojuutyēt 3:20*)

Kumwooci :Yēesu Pētērō kule, “Sumōōni, Sumōōni, paa, kāasoom :Puunnyoontëet kule aseestaak kuyuu mōrōr cēpo nkaanu! Nteenee kāasoowuuj :anii aa, Sumōōni, sumēentē suutē âm kāāyēnēnyuuj. Yoo keereeny key ânkēecōō wuli âmiitë anii, titiir kāānoomik cuut.”
(*Ruuka 22:31-32*)

“Nkēt :nyii sâpoonnyuu âkoy äriit. Njoomnānēnyuuj ku nyēpo tarat. Māmii :wulē âmwēcini, māāpōontē yē âyēlēē key simeekasaa. Yoo kālē alaante tarat, miitë :nyii wulooto. Nto âlē äwo wuloo pētiit :coo kipōk, miitë :nyii mpo yēc wulooto. (*Tuumwoonik 139:6-8*)

Saay:

Paapa nyē cāmēc ânkupoonto kiisayta, ciikoostiij kupo tâpoonnyēnyuuj âk câmiisyēnyuuj nyē po âkookāy. Nēētēc ciinkēt makataanikuuk âm wulē mii :piiko tōkōl. Kaalyeec sukuuñeet ciipuur wulē miitë :nyii aŋciij wuloo mātkooy :nyii. Âm kaannyeetaap Yēesu kaceesaay. Kwiiyakay kuyuu nyotoo.

Pësyëetaap Lo (6):

Lukunē :sâponto nyēnyoo wulē miitë Yëyiintëet

Kiñalaal :Yëyiintëet kule kikōōnēc sâpontaap âkookāy. Cēnyōōru sâpoonoto kusiir Leekweenyii. Cii nyoo pōnto Leekweetaap Yëyiintëet kupoonto sâpontaap âkookāy. Nto nyoo mâpōnto, kumâpōnto sâpoonoto. (*1 Yoowaana 5:11-12*)

Anii :musâpiipuut, akweek :sokonaak. Yoo kâkwiilyoo key :cii ânkâkwiilyi key :anii, mâkuuyiwi âmiik cē caaj cē tâpōnēc. Kunyoo, māāyiwu :akweek kiy yē munaākwiilyoo key.
(*Yoowaana 15:5*)

Mwoowuu :Yëyiintëet kule, “+Maararaac piiko coo cāmoo ankaakarakte coo koosēnoo key. Yē kâriircoo :picaa, akaalye, nto yē mii nyalil, +māāsāru ânkāakooci kâāpeliisyēt. +Maararaac picaa sukunyōōr sâponto nyē kooy.” (*Tuumwoonik 91:14-16*)

Koolyoo :Yëyiintëet piic lēliswēk tōkōl, ânkusoop piic âm pōōr ake tōkōl. Nee :nyē rārōokiisyi ankuukateeneec tukuuk âm câmiisyēnyii. Kōōnu tukuuk cē yēmēc âm sâpoonnyoo, kuulēliitwēc nkuruuk kuyuu cēpo kâāpkwoowēt. (*Tuumwoonik 103:3-5*)

**Saay:**

Paapa Yēyiin nyoo kāātoonjiiintēēt, cēēcāmtooy kule nyii nyēē lukunēē tukuuk tōkōl cēpo sāpooito. Cēēsooiyiij kule ntōōwēēc ām kiy ake tōkōl nyēē ciyē. Am kaannyeetaap Yēēsu kaceesaay. Kwiiyakay kuyuu nyooto.

Pēsyēētaap tisap (7):
+Maakas :anii neeto ām lētuut

Āmnyēē sāpoot :Yēēsu ākookāy ānkusococini piiko, muucē kuuraraac tōkōl coo kakwa wulēē mii :Yēyiintēēt kusiir nee. (**Puraaniyeek 7:24-25**)

Mākuwooky :malayikeet nyoo wōō tarat /aņceekuut koontiitaap Yēyiintēēt. Yooto nyuun mākuocōnēē :Mokoryoontēēt katyaap Yēyiintēēt. Mākuutuutunēē kurook :piikaap Kriistō meet coo kipōk. Nto yooto pakeenke, /ciiruruucēec aceek coo tēcēēsoptōōsii āncēēyēēmē wuliin po poolik ākoo picaato aņciipeete keey Mokoryoontēēt ākookāy. Kunyoo noo, lēyyē, ātitiirēē keey ņaleecu. (**1 Seesolooniyeek 4:16-18**)

Ānkēt :anii kule miitē :cii nyēē mācokusārwoo, ānkumiitē :pēsyēēt nyēē mākuocō kōōrēēt. Yēē kasurtut :pōōrnyuu kutōkōl, māwocēētuyyē āk Yēyiintēēt. (**Yōōpu 19:25-26**)

Kuyuu yoo /cēēmuutē waancyeet nyēē mii mpareen /aņceepēlee maata, kuyuu nyooto ām tapantaap kōōrēēt. Mākuuyook :Wēritaap Cii malayikaanikyii cokuururuukto ām Pātyooyiisyē-nyii piiko tōkōl coo yiyē cuut kuuwurta āk kāāwurtooyoot alak tōkōl. Mākutōōrci picaa maa nyēē rikitiitē, wulēē māwokumwoontyi ankuriirunee ņuny. Mākuulēkēcēēciiis :coo curtootiin kuyuu asiista ām katyaap Kwaan. Nyoo yēpē yiit, kulimta ņaleecu.” (**Mataayo 13:40-43**)

Saay:

Paapa nyēpo kāāmuukēywēēk tōkōl, ciirēēkunēē keey āncēēsooiyiij kule kaalyeec ānkēēriipēēc ām taaynyuuj. Cēēcāmtooy kule +meeweec keey cēēkwēr piikuuk cēē māpooito lēēlis. Yiyeec ciiku piiko coo /mācēēkwēr yoo wēēcēē keey. Kaceesaay ām kaannyeetaap Yēēsu. Kwiiyakay kuyuu nyooto.

PĒSYĒĒTAAAP SISIIIT (8):
/Cēēñērēēcē yēē /kaciiwaany tāpoon

Kupo man, yēē kaceepasyat ākoo Mokoryoontēēt +maciiwaany tāpoon.

Kicac :Pātyooyiintēēt Tāwuti tāpoon.

Kunam :Sāmweēri mwaatya ankuraanṭee wēēriit ām taatyaap mpo mutaapiya. Yooto pakeenke kucōōntyi Tāwuti :Muuyēētaap Yēyiintēēt ām kāāmuukēywēēk. Kucakee yooto kuwo taay kiirēētoot :Muuyoonoo Tāwuti. (**1 Sāmweēri 16:13**)

Kiipoor :Tāwuti nyikannyaantiit ākoo kāākēnēēt ām wulēē mii Yēyiintēēt kuyuu kāāriimāniin.

Kiinookyi :Koolyaat Tāwuti kumācē kucac pooryēēt. Kulapat :Tāwuti kutorookta Koolyaat. Nto yooto kuunum :Tāwuti porkoyeet ām loolēēnyii ankuuywee wulēē po friinkēēt ankuusiriirta. Kutyc :porkoyaanaa tockooat Koolyaat kulunṭa mēt āriit. Yooto, kuuryaakta keey :Koolyaat kukupuy kōōt. Kunyoo, kiimuuktee :Tāwuti Koolyaat friinkēēt ākoo porkoyeet nyēē māmii cōōkiit. (**1 Sāmweēri 17:48-50**)

Kicac :Pātyooyiintēēt Sāwurō tāpoon, nteenee munaakuuwaany tāpoon.

Kuweēkyi :Sāmweēri kule, “Pērpēryēēt :nyoo cēēmoosit nyēē kiiyiy :nyii! Ntēē siikōcōnkyi



Yēyiintēēt nyēē tēē nyi! Nto [^]kiiikoonyit Yēyiintēēt, nto [^]kiirōoptooy pātyooyiisyēēnjuuṅ ākoy kasaniis. Nteenee, kaanetee yoo :pātyooyiisyēēnjuuṅ amnyēē munēekoonyit Yēyiintēēt. Kāā-lēkwēn :Yēyiintēēt ciito ake nyēē camē :mooyēenyii ānkuukēnēē keey kupatya piikyii.

(1 Sāmweēri 13:13)

Munaacac Pāwurō tāpoon.

Yooto, kucac :Sāwurō kwaaraantaat piikaap Kriistō nyēē /mācoomu. Kiwēētootii kō ake tōkōl kunāmootii mōrēnik āk cēēpyōōsōōk ankuwokurat. **(Kiiyookik 8:3)**

Kiwōōkikēn :Sāwurō kumācē kule ayaraante kāānoomikaap Yēesu. Kuwo ākoy kupo pēēliintēētaap kōrōsēēk nyoo wōō. **(Kiiyookik 9:1)**

Kiwayweec Pāwurō sāpoonnyii ānkuminiis kupo mokoryoontēēt.

/Kiciinyit Sāwurō (nyoo /kicocēēkuur lētuut kule Pāwurō) Muuyēēt nyēē Tiliil. Yooto kuurōotoot Erimaas ānkumwooci kule, “Pooyē :nyii Sataani! Yiku puunyoo am wulēē mii :kiy ake tōkōl nyēpo manta! Pērpēēriisii :nyii ankeecam moosē piiko. Am nee yooto seecam yoopuc nālyoontēētaap Yēyiintēēt? Makuurapaaciin :kāāmuukēyēwēēkaap Yēyiintēēt kor.” Am areet akeenke, kukar ciicaa :cēēkwēēruut āk mēēnēēt. Kutorteronoot kule nto nyōōr cii nyēē katiṅto sukōōrēētoot. **(Kiiyookik 13:9-11)**

Kikōōn Pāwurō mucurwaantiit am lētuut.

Kyaayaam pooryēēt nyēē tāpoon. Kyaawaany lapateenyuu ānku kyāākwiil manta. Kunyoo, mii kukānyoo :kiito ake nyēē +/mācēētuwēnēēnoo. Nto kiyaato ku tuwēnēētaap curtaayēet. Tuwēnoonooto ku nyēē mākuukōōno :Mokoryoontēēt nyoo curtaat yoo tiilyoocini piiko ṅaleek. Mēēpērē anii nkit :nyēē mii cokutu wēnoo, nteenee cokutu wēnē piiko tōkōl coo mii kuukēnē cōōnēenyii. **(2 Timosewo 4:7-8)**

Macē :cii ake tōkōl kupoonto Kriistō sakuuwaany tāpoon

“Nto nyoo kayye pēēko cēē ākoocini :anii, mākwomē :malalyaa yēc. Mākuukoosunēē ciicaa :pēēkaap sāpoon to ākookāy.” **(Yoowaana 4:14)**

Kāāmwoowook ṅaleecu su yoo kāānoomnyē :akweek āk anii ānyōōru kaalyēet. +Maatanjany am kōōrooni. Nteenee ākwiisyē, amnyēē kyāāpēl kōōrēēt. **(Yoowaana 16:33)**

/Cēēmii /kyoomiisii, kuuyyo :Sakaayo ānkumwoow kule, “Mokoryoontēēt, +māānumu kareeryaanteetaap peesaanikyuu ānkāākooci pānoonik. Nto yēē mii :cii nyēē kyāānumunēē ceecii cēē caṅ kukeetyee musōrēēt nyoo /kicēēmācēē kule āruruuc, +māākēmēērci areet amwan am coo kyaayaam.” Kumwoow :Yēesu kule, “/Kaaciiraraac kayi yaawuut, amnyēē kaakuukaasee keey :ciici Yēyiintēēt kuyuu Apraam.” **(Ruuka 19:8-9)**

Kumwooci :kwaan mutwoorikyii kule, ‘Asutu areet akeenke sireet nyoo tāpoon am tōkōl, kamoloolyēet ākoo kwēyōōk ānkāālookyi wēeri. Ākwēru wuunweet nyoo yakwaay cēēyēēnyki. Coomiisyē ānku cēēkistē. **(Ruuka 15:22-23)**

Mākuutuutunēē meet :coo kipōk. Mākunyōōr :alake sāpoon to nyēpo ākookāy, nto alak mākuutuutuurākiis ākookāy. Mākuulēkēcēēciis :piiko coo ṅoomēc kuyuu kōōr nyoo ṅaṅaṅaṅa. Nto ceek :coo kiineet piiko cēē caṅ ṅaleekaap manta mākuulēkēcēēciis kuyuu kookeel ākookāy. **(Tāmyēēli 12:2-3)**

Saay:

Paapa Yēyiin nyēē mii kipkōōnkō, ciikēnēēniin keey ānciikoosēēniin keey. Kunyoo, kaalyēec ciywaany tāpoon am kiy ake tōkōl nyēē ciyiē. Kaceesaay am kaannyēetaap Yēesu. Kwiiyakay kuyuu nyooto.